



02. april 2019 – (Siullermeerneqarnera)

Inissianik attartortitsisarneq pillugu Inatsisartut peqqussutaata § 60-ip allannguutissaanik kingusinnerpaamik UKA 19-mi saqqumiusseqqullugit Naalackersuisut peqquneqarnissaanik inatsisartut aalajaangiiffigisassaattut siunnersuugut. Taamaalilluni attartortup toqukkut qimagunnerani utoqqat illuanulluunniit nuunnerani inoqutigiinni najugaqartut inigisaminnik anisinneqarsinnaanerannik pitsaanagerusumik illersorneqarsinnaasunngorlugit. Uani ilanngullugu § 60, imm. 2, uniffiup appaa peerneqassasoq, taamaalilluni aamma § 60, imm. 1 aamma 2 allanngortinneqassasut ukiut marluk najugaqarnissamik piumasaqaataasup qaammatinut arfinilinnut allanngortinneratigut.

(Inatsisartunu ilaasortaq Peter Olsen, Inuit Ataqatigiit)

Attartortitsisup aningaasartuutit ilanngaatigereerlugit iluanaarutissaasa maanna 1,5%-iusut, Namminersorlutillu Oqartussani inissianik attartortut akilertagaasa ukiut pingasut ingerlaneranni atorunnaarsikkiartuaarneqarnissaannut, taarsiullugulu immikkut aserfallatsaaliinissanut atugassiissutitut inissiaqarfii immikkoortortaanniinnarnissaannut Naalackersuisut siunnersuummik suliaqaqqullugit peqquneqarnissaannik siunnersuut. Aserfallatsaaliinissami aningaasat oqorsaait pitsanngorsarnerinut, matunut, igalaanut, qalipannernut assigisaannullu atorneqassapput.

(Inatsisartunut ilaasortaq Aqqaluaq B. Egede, Inuit Ataqatigiit)

Suli amingaatigaarput illut qanoq ittut pineqarnesut immikkoorteqqissaarnissaat aamma suut iliuitsit inuiaqatigiit pisariaqartitaannik piviusunngortitsilluarsinnaanersut.

Illut sorliit agguaatassaappat, sorliit tapiiffigineqarnikuuppat aamma soq aamma sorliit illunik nioqquteqartarnermut sunniuteqartarpat - aamma illu taakku akornanni agguaneq qanoq issava?

Pisariaqartitsivugut qularnaassallugu namminersortunngorsaanerunissaq.



SULEOATIGIISSITSISUT
SAMARBEJDSPARTIET

Aamma ullumimut naleqqiullugu annerungaartumik pisariaqartipparput qularnaassallugu illuutita pioreersut suuneri ilisimalluassallugit, aamma aserfallattaaliinermut kinguussaaqqaneq kiisalu nutaanik sanaatornissamut pisariaqartitsineq.

Qularutigineqassanngilaq ukiorparpassuarni aserfallattaaliinissarput sumiginnarsimagatsiguaamma illuliatta ilarpassuisa pitsanngorsarnissaat aamma qularutigissanngilarput pisariaqartitsineq angeqimmat illuliortitternissamut illoqarfinni inuppassuit initaarusullutik utaqqiffiini.

Ilaatigut takoqqipparput Nuummi amelangaartut utaqqisut allattorsimaffianniittut kiisalu Naalackersuisut illersortaasalu ilusissanut illuliortiternissamullu pilersaarutaat qissimikkutsigit, ajornartorsiutaavoq imaannaanngitsoq inissaqarniarneq piviusorsiortumik qiviarneqarsimanngimmat pissutaalluni naammattunik sulisussaqaannginneq pisariaqartitsineq naapertorlugu sukkasuumik sanaartortoqassapat.

Peqataanik oqaatigissavarput aamma angerlarsimaffeqanngitsut pillugit ajornartorsiut iliuuseqarfigineqartariaqarmat, sualummik maani Nuummi aammali nunap sinnerani, aamma allani pisariaqartitsisoqarmat.

Inissiigallartarfiit, sumiiffinni amerlanerusuni aamma programmit soorlu Kofoed Skoletut ittut aamma iliuusissat allat pisariaqarluinnarput. Inissiat inunnut atornerluisunut, ikiugassat ujarlugit iliuuseqarnerunissaq, illut inunnut ulorianartorsiortunut tarnikkut nappaatilinnut kiisalu inissiat inunnut suliffilinnut, inissaqaanngiinnartunullu - taakkuupput allat angerlarsimaffeqanngitsut pitsaanerusunik neqeroorutunik pilersitsiffigisariaqakkagut.

Containerit inissiannngortitat inoqaanngitsut arlallit isigalugit nukillalaarnaqaaq eqqarsaatigigaanni ullutsinni qanoq inissaaleqisoqartigisoq, tamanna ajorpoq. Nunami inuit imaaliallannerinnakkut qiullutik toquffigisinnaasaanni najugaqarpugut aamma Nuummi unnuakkut biileraanni takunngitsuugassaanngillat inuit majuartarfinni sinittut imaluunniit aqqusinerni angalaarujoortut kissassimaarusullutik. Inuit atungartuut innuttaminnut taamatut atugaqartitsisinnaanngillat.

Ineqarneq pillugu nassuiaasiassaq utaqqisinnaanngilarput iliuuseqarniassagutta aamma akisussaaffik kommuninut tunniuterruusaannarsinnaanngilarput. Inuit pisagut ikiortariaqarpagut.

Inissiarpassuit oqupput allaat ilarpassui iluamik inigineqarsinnaanatik. Utoqqaat ineqarfiini matut igalaallu allarutunik assersorneqartariaqartarpaat qiulerpallaarumanatik aamma angerlarsimaffeqanngitsorpassuarnik ilaqarpugut. Sumiiffissaqaanngilluinnartunik aamma ilaquuttaminnut ikinngutiminnullu oqquiffissarsiortariaqartartunik. Aappariit qimannikut imaluunniit angerlarsimaffinni



SULEOATIGIISSITSUT
SAMANEJDSPARTIET

persuttaaffiusuni inooqatigiittut, qimassinnaangillat Nuummi inissaaleqinerujussuaq pissutigalugu aamma nunatsinni tamarmi inuppasuit ineqartinneqarput aserfallassimaqisuni, qianartuni, ussiittuni aamma peqqinnangitsuni.

Tamanna kusanangilluinnarpoq.

Inuinnaat illutaartarnissaat kaammattuutigisariaqarparput, amerlanerusunik ininik neqerooruteqarsinnaasariaqarput, pisortat namminersortullu piginneqatigiit amerlanerusut pilersittariaqarpagut - ilanngullugit Danmarkimeersut aningaasaliisinnaasut - soorlu soraarnerussutisiaqalernissamut aningaasaateqarfiit assigisaallu - illunik amerlanerusunik nutaanik sanaartulersinnaasut aamma inigigallagassanik.

Illuliortiternertik aningaasannassutigisinnaasariaqarpaat tamannalu ullutsinni ineqarnerup iluani pisariaqarpoq sukkasuumik sanaartortoqassappat aammali periarfissiissutigineqartariaqarpoq sanaartortartut pisariaqartitsinertik naapertorlugu sulisussarsisinaanissaat. Sanaartornerup iluani malinnaasoqarsinnaajunnaaleriartortoqartoq takusinnaalereerparput. Namminersortut tamatumani ilapittuutaasinnaasariaqarput.


Aamma soorlu Skotlandimi pissutsit isumassarsiorfigineqarsinnaakuttoorput, tassani ajunngilluinnartumik inuinnaat namminneq pigisaannik illuliortiterneq iluatsinnikuuvoq naak pisortat illuuterpassuaqareeraluartut. Nutaamik eqqarsariarta Naalackersuisut misissuititsinertik isumaarput naapertorlugu ajunngilluinnartooq naammassisimaleriarpasuk.

Tamatuma kingorna nuanniissinnaasartussanik aalajangiisariaqarpugut tamakkulu pinissaasa tungaanut illuliortitertariaqarpugut, kollegialiortitertariaqarpugut aamma pisortat sanaartugaat naammassineqartariaqarput Aningaasanut Inatsimmi aningaasaliiffigineqareersut.

Aningaasat uninngatiinnarneqarput, suliassat aallartinneqanngitsoortarput aamma init amingaataalluinnarput.

Uteqqillaralu; ineqarnermut tapiisarneq ullumikkut tamakkiisumik ingerlanngilaq soorlu akunnerni amerlanerusuni sulisarnissaq eqqarsaatigalugu, equgasumik eqquisarpoq aamma ilaatigullu tunniunnqartaratik pisaiaqartitsinerpaartatsinnut.

Naalackersuisut inissaaleqisut pillugit ajornartorsiut iliuuseqarfiginngippasuk Aningaasanullu Inatsimmi aningaaliiffigineqareersut sanaartugassat aallartillugit taamatullu ineqarneq piffissap ungasinnerusooq isigalugu pilersaarusiullugu, taava pissangalluta utaqqerujuussavarput ineqarneq pillugu nassuiaat.



SULEQATIGIISITSISUT
SAMARBEJDSPARTIET

Kisianni nassuiaasiortoqarnissaa takisuumillu allaaserinnittoqarnissaa pisariaqanngikkaluarpuit, pingaartut
pigneqareermata, iliuuseqaannartussaavugut ineqarnermullu amerlanerusunik aningaasaliilluta.

Ineqarneq tungiuinerup qiteraa aamma pingaartillugu iliuuseqarfigineqartariaqarpoq.

Politikerit illussaat tuaviuunneqarsinnaappata aamma innuttaasunut illuliortiternissaq
tuaviuunneqakuttoorsinnaavoq.

Illut pisariaqartinneqarluinnaqqissaarput.

Taamatut oqaaseqarluta inassutigaarput siunnersuutit tamarmik ataatsimiititaliamut
ingerlateqqinneqassasut kaammattuutigaluguli Naalakkersuisut suliniuterpassuarnik aallartitsissasut
massakkorluinnaq inissialiortiternissaq anguniarlugu. Ukiumi matumani sanaartorfissami.